

**ՏԵՂԵԿԱՏՎԱԿԱՆ ԱՄՓՈՓԱԳԻՐ**

**ԱՎԱՆԴԱՏԵՍԱԿ «PRIVE»**

**Ավանդի հիմնական պայմանները**

Ավանդի ներդրման արժույթ			ՀՀ դրամ	ԱՄՆ դոլար	Եվրո	ՌԴ ռուբլի
Ավանդի ներդրման նվազագույն գումար			20,000,000	50,000	50,000	3,000,000
Ավանդի ներդրման ժամկետ	Տոկոսների վճարման կարգ		Տարեկան տոկոսադրույք (Տարեկան տոկոսային եկամտաբերություն)			
	Ամեն-ամսյա	Քարտային հաշիվ Բանկային հաշիվ	5.25% (5.38%)	--	--	---
30-90 օր	Ժամկետի վերջում		5.5% (5.62-5.64%)	--	--	---
91-180 օր	Ամեն-ամսյա	Քարտային հաշիվ Բանկային հաշիվ	6% (6.17%)	0.25% (0.25%)	-	0.5% (0.5%)
	Ժամկետի վերջում		6.5% (6.61-6.66%)	0.25% (0.25%)	-	1.5% (1.51%)
181 –365 օր	Ամեն-ամսյա	Քարտային հաշիվ Բանկային հաշիվ	7.25% (7.5%)	2.5% (2.53%)	-	0.5% (0.5%)
	Ժամկետի վերջում		7.5% (7.5-7.64%)	2.75% (2.75-2.77%)	-	1.5% (1.5-1.51%)
366 – 549 օր	Ամեն-ամսյա	Քարտային հաշիվ Բանկային հաշիվ	9.25% (9.65%)	3.55% (3.61%)	1.6% (1.61%)	3.5% (3.56%)
	Ժամկետի վերջում		9.5% (9.29-9.50%)	3.75% (3.72-3.75%)	2% (2%)	4% (3.96-4%)
550 – 730 օր	Ամեն-ամսյա	Քարտային հաշիվ Բանկային հաշիվ	9.4% (9.82%)	4% (4.07%)	2.25% (2.27%)	4.5% (4.59%)
	Ժամկետի վերջում		9.7% (9.27-9.48%)	4.25% (4.16-4.21%)	2.5% (2.48%)	5% (4.88-4.94%)
Ավանդի առավելագույն գումար			100,000,000	300,000	300,000	20,000,000*

\*Առավելագույն գումարը գերազանցող ավանդների համար տոկոսադրույքները սահմանվում են պայմանագրային հիմունքներով:

Ժամկետային ավանդ, որը նախատեսված է ռեզիդենտ և ոչ ռեզիդենտ ֆիզիկական և իրավաբանական անձանց համար:

Տոկոսների վճարման պայմաններն իրականացվում են ավանդատուի ցանկությամբ՝ ժամկետի վերջում կամ ամենամսյա, ավանդատուի բանկային կամ քարտային հաշվին: Տոկոսների կապիտալացում չի իրականացվում:

Բոլոր ավանդատուներին տրամադրվում է նվեր՝ UNIPAY կոմունալ վճարումների միասնական համակարգի քարտ:

Բանկի ավանդատուներին և/կամ Բանկի պարտատոմսերում ներդրում կատարողներին, անվճար տրամադրվում են հետևյալ տեսակի վճարային քարտեր և քարտի գործողության ողջ ժամանակահատվածում (3 տարի) տարեկան սպասարկման վճար չի գանձվում՝

20 մլն ՀՀ դրամ կամ համարժեք արտարժույթ և ավելի գումարի դեպքում՝ VISA Signature

50 մլն ՀՀ դրամ կամ համարժեք արտարժույթ և ավելի գումարի դեպքում՝ VISA Infinite

## Լրացուցիչ տեղեկատվություն

### Սակագներ և տուժանքներ

1. Ժամկետային ավանդի հաշվի սպասարկումն իրականացվում է բանկային հաշիվների միջոցով: Եթե հաճախորդը «ՅՈՒՆԻԲԱՆԿ» ԲԲԸ-ում չունի բանկային հաշիվներ, ապա դրամային ժամկետային ավանդ ներդնող ավանդատուի համար Բանկը բացում է բանկային հաշիվ ՀՀ դրամով, իսկ արտարժույթով ժամկետային ավանդ ներդնելու դեպքում, ըստ հաճախորդի ցանկության կամ արտարժույթային բանկային հաշիվ, կամ ՀՀ դրամով բանկային հաշիվ:
2. Ավանդատուի պահանջով ավանդային պայմանագրի վաղաժամկետ խզման դեպքում.
  - ա. ավանդի գումարից գանձվում են արդեն իսկ վճարված տոկոսագումարները, եթե ժամկետային ավանդի պայմանագրով սահմանված է տոկոսների ամենամսյա վճարում,
  - բ. կատարվում է տոկոսների վերահաշվարկ ավանդը Բանկում ներդրած փաստացի ժամանակահատվածի համար Բանկի կողմից սահմանված ցպահանջ ավանդի տարեկան տոկոսադրույքով, որի չափը կազմում է 0.1%՝ ՀՀ դրամ/ԱՄՆ դոլար/Եվրո/ռուբլի արժույթների համար:
3. Բանկային ավանդի պայմանագրի գործողության ժամկետն երկարաձգվում է ավանդի պայմանագրով սահմանված պայմաններով: Եթե ավանդատուն ավանդի ժամկետի ավարտից հետո չի պահանջում վճարել ավանդի գումարը կամ այն երկարաձգել պայմանագրում սահմանված պայմանների համաձայն, ապա ժամկետային ավանդը համարվում է երկարաձգված՝ բանկի կողմից սահմանված ցպահանջ ավանդի պայմաններով:  
Բանկն իրավունք ունի փոփոխել բանկային հաշիվների մնացորդների նկատմամբ հաշվարկվող տոկոսադրույքը՝ Բանկի կողմից հաստատված դրույքների և սակագների համաձայն, եթե այլ բան նախատեսված չէ բանկային հաշիվների սպասարկման պայմանագրով:
4. Ավանդատուի հաշվին Ավանդատուի անունով կարող են մուտքագրվել նաև երրորդ անձանցից ստացված դրամական միջոցներ՝ նրա ավանդի հաշվի մասին անհրաժեշտ տվյալների նշումով:
5. Բանկային ավանդի պայմանագրով սահմանված Ավանդի համար տոկոսների չափը ավանդի գործողության ընթացքում Բանկի կողմից ենթակա չէ միակողմանիորեն նվազեցման:
6. Ավանդային հաշվում առկա միջոցների նկատմամբ տոկոսագումարները հաշվարկվում են Անվանական տոկոսադրույքի հիման վրա:
7. Ավանդի տարեկան տոկոսային եկամտաբերությունը ցույց է տալիս, թե որքան կկազմի ավանդի տարեկան եկամտաբերությունն ավանդատուի կողմից ավանդի հետ կապված պարտադիր վճարներ կատարելու և ստացված տոկոսագումարները մայր գումարին ավելացնելու (կապիտալացման) արդյունքում:  
ՈՒՇԱԴՐՈՒԹՅՈՒՆ՝ ՁԵՐ ՀԱՇՎՈՒՄ ԱՌԿԱ ՄԻՋՈՑՆԵՐԻ ՆԿԱՏՄԱՄԲ ՏՈԿՈՍԱԳՈՒՄԱՐՆԵՐԸ ՀԱՇՎԱՐԿՎՈՒՄ ԵՆ ԱՆՎԱՆԱԿԱՆ ՏՈԿՈՍԱԴՐՈՒՅՔԻ ՀԻՄԱՆ ՎՐԱ: ԻՍԿ ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅՈՒՆԸ ՑՈՒՅՑ Է ՏԱԼԻՍ, ԹԵ ՈՐՔԱՆ ԵԿԱՄՈՒՏ ԿՍՏԱՆԱՅԻՔ ԴՈՒՔ՝ ՁԵՐ ԿՈՂՄԻՑ ԱՎԱՆԴԻ ՀԵՏ ԿԱՊՎԱԾ ՊԱՐՏԱԴԻՐ ՎՃԱՐՆԵՐ ԿԱՏԱՐԵԼՈՒ ԵՎ ՍԱՀՄԱՆՎԱԾ ՊԱՐԲԵՐԱԿԱՆՈՒԹՅԱՄԲ ՎԱՍՏԱԿԱԾ ՏՈԿՈՍԱԳՈՒՄԱՐՆԵՐԸ ՍՏԱՆԱԼՈՒ ԱՐԴՅՈՒՆՔՈՒՄ: ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅԱՆ ՀԱՇՎԱՐԿՄԱՆ ԿԱՐԳԸ ՏԵՍ ՍՏՈՐԵՎ

### Տեղեկատվություն տոկոսադրույքների վերաբերյալ

1. **Տարեկան պարզ տոկոսադրույք**՝ տարեկան կտրվածքով ավանդային պայմանագրով սահմանված տոկոսադրույք, որի հիման վրա Բանկը հաշվարկում է ավանդատուին վճարման ենթակա տոկոսագումարները:  
Տվյալ տեսակի ավանդային պայմանագրով վճարվող տոկոսների հաշվարկման բանաձև՝  
 $ԱԳ * S / 365 * Օր - 10\%$  (եկամտային հարկ), որտեղ՝  
ԱԳ - ներդրված ավանդի գումար  
S - տարեկան պարզ տոկոսադրույք  
Օր - ավանդի ներդրման օրերի քանակ՝ հաշվի առնելով ՀՀ Քաղաքացիական օրենսգրքի հ. 907 կետ 1, համաձայն որի բանկային ավանդի գումարի վրա տոկոսները հաշվարկվում են ավանդը բանկ մուտք լինելու օրվանից մինչև այն ավանդատուին վերադարձնելու կամ ավանդատուի հաշվից այլ հիմքերով դուրս գրելու օրվան նախորդող օրն ընկած ժամանակահատվածի օրացուցային օրերի համար:

#### Օրինակ 1

Ավանդի ներդրման օրերի քանակ՝ 366 օր  
Ներդրած ավանդի գումար՝ 20,000,000 ՀՀ դրամ  
Տարեկան պարզ տոկոսադրույք՝ 9.5%

$$20,000,000 * 9.5 / 100 / 365 * 366 - 10\% = 1,710,000 \text{ ՀՀ դրամ}$$

**2. Տարեկան տոկոսային եկամտաբերություն (APY)** ցույց է տալիս, թե որքան կկազմի ավանդի տարեկան տոկոսային եկամտաբերությունը հաճախորդի կողմից ավանդի հետ կապված պարտադիր վճարներ կատարելու և ստացված տոկոսագումարները մայր գումարին ավելացնելու (կապիտալացման) արդյունքում:

$$A = \sum_{n=1}^N \frac{K_n}{(1+APY)^{Dn/365}}, \quad \text{որտեղ՝}$$

A - ավանդի սկզբնական գումար,

n- ավանդի դիմաց դրամական հոսքերի հերթական համար,

N- ավանդի դիմաց դրամական հոսքերի վերջին համարն է (ներառյալ նաև՝ ավանդի ներդրման պահին դրամական հոսքը), որից հետո ավանդային պայմանագրի ժամկետն համարվում է ավարտված,

$K_n$  - ավանդի ներդրման պահին և/կամ ավանդի գործողության ընթացքում ներդրված ավանդի և/կամ կապիտալացված տոկոսագումարների, առկայության դեպքում նաև պարտադիր վճարների հոսքեր:

$D_n$  - այն թիվն է, որը ցույց է տալիս, թե քանի օր է անցել ավանդի ներդրման օրից մինչև ավանդի դիմաց կատարվող հերթական (n-րդ) դրամական հոսքերը ներառյալ: Այն դեպքում, երբ ավանդի ներդրման պահին է դրամական հոսքերը,  $D_1=0$  :

APY- տարեկան տոկոսային եկամտաբերությունն է:

- Ենթադրենք առաջարկվում է ավանդատեսակ հետևյալ պայմաններով՝

ա. Ավանդի չափ՝ 20,000,000 << դրամ

բ. Ավանդի գործողության ժամկետ՝ 366 օր, 1 տարի

գ. Տարեկան պարզ տոկոսադրույք՝ 9.5%

դ. Տոկոսագումարների վճարումները՝ ավանդի գործողության ժամկետի վերջում

Ավանդատուի կողմից ավանդի ստացման օրը կատարվող պարտադիր վճարներ՝

Ավանդային հաշվի սպասարկման պարտադիր վճար՝ անվճար

Ավանդային պայմանագրի գործողության վերջում վճարվող տոկոսագումարը ստացվում է՝

$$20,000,000 * 9.5\% = 1,900,000 << \text{դրամ}$$

$$n=1, n=2$$

$$D_1=0, D_2=366$$

$$K_1=0, K_2=21,900,000$$

$$20,000,000 = \frac{0}{(1+APY)^{0/365}} + \frac{21,764,000}{(1+APY)^{366/365}}$$

$$20,000,000 = \frac{21,764,000}{(1+APY)^{366/365}} \quad \text{որտեղից } APY = 0.0882 * 100\% = 8.82\%$$

**3. Ավանդների տարեկան տոկոսային եկամտաբերության հնարավոր հաշվարկը տոկոսագումարների վճարումների կանոնավոր հաճախականության դեպքում՝**

$$APY = (1+r/n)^n - 1, \quad \text{որտեղ՝}$$

APY՝ տարեկան տոկոսային եկամտաբերություն

r՝ տարեկան պարզ տոկոսադրույք

n՝ մեկ տարվա ընթացքում տոկոսագումարների կապիտալացման հաճախականությունը

Եթե տոկոսագումարների վճարման հաճախականությունը ժամկետի վերջում է՝

$$n = 1, \text{ ապա՝}$$

$$APY = (1+0.095/1)^1 - 1,$$

$$APY = 0.095 * 100 = 9.5\%$$

### Ավանդատուի իրավունքների պաշտպանության վերաբերյալ տեղեկատվություն

Հաշվի սպասարկումից կամ ավանդային պայմանագրից բխող վեճերն ու տարաձայնությունները լուծվում են փոխադարձ համաձայնությամբ: Համաձայնություն ձեռք չբերելու դեպքում ավանդատուի իրավունքներն ենթակա են պաշտպանության դատական կարգով, ինչպես նաև ֆինանսական համակարգի հաշտարարի միջոցով: Ավանդատուն

կարող է իր իրավունքների պաշտպանությունն իրականացնել անձամբ կամ լիազոր ներկայացուցչի միջոցով:  
Բանկն իրավունք չունի ավանդային պայմանագրի կնքումը պայմանավորել արբիտրաժային համաձայնության կնքմամբ:

### **Այլ տեղեկատվություն**

1. Ավանդ ներդնելու համար անհրաժեշտ փաստաթղթերն են՝

- անձնագիր կամ անձը հաստատող այլ փաստաթուղթ,
- հանրային ծառայությունների համարանիշ (սոցիալական քարտ) կամ դրանից հրաժարվելու մասին տեղեկանք:

2. Ժամկետային ավանդի գումարի վրա տոկոսը հաշվեգրվում է ավանդը Բանկ մուտք լինելու օրվանից մինչև այն ավանդատուին վերադարձնելու կամ Ավանդատուի ավանդային հաշվից այլ հիմքերով դուրս գրելու օրվան նախորդող օրը: Տոկոսների հաշվեգրումն իրականացվում է օրական: Արժութային կարգավորման և արժութային վերահսկողության մասին ՀՀ օրենքի 6-րդ հոդվածի 2-րդ կետի համաձայն՝ ֆինանսական գործառնությունների դիմաց տոկոսագումարների վճարումն իրականացվում է Հայաստանի Հանրապետության դրամով: Եթե ավանդը ներդրված է արտարժույթով, ապա տոկոսագումարները վճարվում են վճարման օրը ՀՀ ԿԲ կողմից հրապարակված արժութային շուկայում ձևավորված միջին փոխարժեքով:

3. Ավանդի գծով հաշվեգրված տոկոսագումարն ենթակա է հարկման եկամտային հարկով ՀՀ օրենսդրությանը համապատասխան, որի դրույքաչափն է 10%: Ավանդատուին վճարվում է արդեն իսկ հարկված տոկոսագումարը:

4. Եթե ավանդի մարման օրը համընկնում է տոն և/կամ հանգստյան օրվա հետ, ապա ավանդի մարման օր է համարվում դրան հաջորդող աշխատանքային օրը:

5. Բանկում ներդրված ավանդներն երաշխավորվում են ՀՀ օրենսդրությանը համապատասխան՝ Ֆիզիկական անձանց Ավանդների հատուցումն երաշխավորող հիմնադրամի կողմից: Ավանդների երաշխավորվող սահմանաչափերը հետևյալն են՝

ա) եթե ավանդատուն անվճարունակ բանկում ունի միայն դրամային բանկային ավանդ, ապա երաշխավորված ավանդի չափը տասնվեց միլիոն հայկական դրամ է.

բ) եթե ավանդատուն անվճարունակ բանկում ունի միայն արտարժութային բանկային ավանդ, ապա երաշխավորված ավանդի չափը յոթ միլիոն հայկական դրամ է.

գ) եթե ավանդատուն անվճարունակ բանկում ունի դրամային և արտարժութային բանկային ավանդներ, և դրամային բանկային ավանդի գումարը յոթ միլիոն հայկական դրամից ավելի է, ապա երաշխավորվում է միայն դրամային ավանդը՝ մինչև տասնվեց միլիոն հայկական դրամ,

դ) եթե ավանդատուն անվճարունակ բանկում ունի դրամային և արտարժութային բանկային ավանդներ, և նրա դրամային բանկային ավանդի գումարը պակաս է յոթ միլիոն հայկական դրամից, ապա երաշխավորվում է դրամային բանկային ավանդն ամբողջությամբ և արտարժութային բանկային ավանդը՝ յոթ միլիոն դրամի և հատուցված դրամային բանկային ավանդի տարբերության չափով:

6. Ձեզ հետաքրքրող լրացուցիչ այլ տեղեկատվություն կարող եք ստանալ՝ զանգահարելով Թեժ հեռախոսակապի կենտրոն՝ (+37410) 59 55 55, (+37410) 71 22 22 հեռախոսահամարներով:

«Փողերի լվացման և ահաբեկչության ֆինանսավորման դեմ պայքարի մասին» ՀՀ օրենքով սահմանված հաճախորդի պատշաճ ուսումնասիրության նպատակով Բանկի աշխատակիցը կարող է Ավանդատուից «Ճանաչիր քո հաճախորդին» («Know your customer») սկզբունքի հիման վրա պահանջել լրացուցիչ փաստաթղթեր կամ այլ տեղեկություններ, ինչպես նաև բանավոր հաղորդակցման ընթացքում լրացուցիչ հարցեր տալ Ավանդատուին:

**Հաստատված է 05.02.2026թ., ուժի մեջ է մտնում 09.02.2026թ.**